



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCL. Christus hortatur ad bonum Exemplum Proximo  
exhibendum.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

Et ibi recordatus fueris, quia frater tuus habet aliquid adversum te: relinque ibi munus tuum ante Altare, Et vade prius reconciliari fratri tuo: Et tunc veniens, offeres munus tuum. Esto consentiens adversario tuo citò, dum es in via cum eo: ne fortè tradat te adversarius Iudici: Et Iudex tradat te ministro, Et in carcerem mittaris. Amen dico tibi, non exies inde, donec reddas novissimum quadrantem. Matth. 5. à v. 22. Non Misericordibus dixit: Si autem non dimiseritis hominibus: nec Pater vester dimittet vobis peccata vestra. Matth. 6. v. 15. Et iisdem apud S. Lucam. c. 6. v. 38. Eadem mensurà, quàm mensi fueritis, remetietur vobis. Non Patientibus persecutionem & maledictionem hominum: *Va cum benedixerint vobis homines.* Luc. 6. v. 26.

PUNCT. III. Compara nunc Iudicium Christi cum iudicio mundi, & considera, quàm verè Beati sint, quos Christus Beatos pronunciat: quàm Miseri verò ij, quos mundus beatos clamat. Quibus DEVS, ac Christus apud Isaiam c. 3. v. 12. errorem detegens, dixit: *Popule meus, qui te beatum dicunt, ipsi te decipiunt, Et viam gressuum tuorum dissipant.* At si Christi Iudicio Fidem & assensum præbemus, cum Baruch. c. 4. v. 4. dicere possumus: *Beati sumus Israël, quia, quæ DEO placent, manifesta sunt nobis: Et cum Psalmista Ps. 93. v. 12. Beatus homo, quem tu erudièris, et de lege tua docueris eum.*

## MEDITATIO CCL.

*Christus hortatur ad bonum Exemplum Proximo exhibendum.* Matth. 5.

PUNCTUM. I. Considera, quomodo Christus enarratis

ratis octo Beatitudinibus, specialem digressionem fecerit ad suos Discipulos, dicens: *Vos estis Sal terræ. quod si Sal evanuerit, in quo salietur? ad nihilum valet in terra, nisi ut mittatur foras, & conculcetur ab hominibus.* Matth. 5. v. 13. Hac similitudine salis, ad cibos con- diendos, & carnem à putredine conservandam sum- mè necessarij, incitare voluit Christus Discipulos suos ad Perfectionem Evangelicam octo Beatitudi- nibus comprehensam, summo studio sectandam; quòd omnibus hominibus in terra degentibus à Chri- sto destinati sint in eum finem, ut suâ Doctrinâ, Exemplo, Virtutis ac Perfectionis Evangelicæ stu- dium alijs sapidum reddant, illòsque à putredine v- tiorum præservent. Unde cum propria Perfectione vis & efficacia salendi, Christus Discipulos ad eam adhortatus est. 1. Ex necessitate finis ipsis præfixi. 2. Ex periculo & damno proprio neglectæ Perfectionis, eò quòd ejus jactura non facillè reparetur ab ijs qui in suscepto studio Perfectionis evanuerunt: ideo tanquam servi inutiles per subtractionem Divinorum Auxiliorum à DEI Servitute, ac tandem etiam à Servorum DEI Societate repellantur, ac à omnibus proinde hominibus contemnantur, & vituperentur. Cum ergo finis hominis Religiosi (imò etiam certa quadam ratione cujusvis hominis Christiani, ob communis Charitatis Vinculum) propria, & Proximi Perfectio, ideo sibi applicet verba Christi, & ejus necessitatem ex prædictis ratio- nibus agnoscat.

PUNCT. II. Ad eundem finem Christus mo- subjecit aliam similitudinem. v. 14. *Vos estis Lux mundi. Non potest civitas abscondi supra montem posita.*

que accendunt lucernam, & ponunt eam sub modio, sed super candelabrum, ut luceat omnibus, qui in domo sunt. Sic luceat Lux vestra coram hominibus, ut videant Opera vestra Bona, & glorificent Patrem vestrum, qui in Cælis est. Iterum his verbis Religiosi impellimur ad illuminandos alios splendore boni Exempli. 1. quia in tam perfecto & sublimi statu Religiosæ Perfectionis acquirendæ veluti supra montem, aut supra candelabrum positi sumus, mundo Spectaculum facti. 2. Quia DEVS lumen suarum Illustrationum, & notitiarum, ac Gratiarum propterea in nobis accendit, ut simus lucerna ardens & lucens omnibus, qui in Domo Religionis, & totius Ecclesiæ sunt. 3. Ut procuretur Gloria Patris Cælestis inductione aliorum ad bonorum Operum imitationem.

PUNCT. III. Quia Perfectio Evangelica non potest obtineri sine observatione Præceptorum, nec ea alijs efficaciter persuaderi, ideo Christus tum Exemplo proprio, tum Præmij Cælestis magnitudine hortatur nos ad exactissimam omnium Legum tum communium, tum propriarum observantiam, dicens: *Nolite putare, quoniam veni solvere Legem, aut Prophetas: non veni solvere, sed adimplere. Amen quippe dico vobis, donec transeat Cælum & Terra, Jota unum, aut unus Apex non præteribit à Lege, donec omnia fiant. Qui ergo solverit unum de Mandatis istis minimis, & docuerit sic homines, minimus vocabitur in Regno Cælorum: qui autem fecerit, & docuerit, Magnus vocabitur in Regno Cælorum. Matth. 5.*

à. v. 17.